

# CABINET

**DYDD LLUN, 17 HYDREF 2022**

**PRESENNOL** Cyngorydd D. Price (Cadeirydd)

**Cynghorwyr (Yn y Siambr):**

C.A. Davies

L.D. Evans

G. Davies

P.M. Hughes

A. Lenny

E.G. Thomas

J. Tremlett

A. Vaughan Owen

**Hefyd yn bresennol (Yn y Siambr):**

W. Walters, Prif Weithredwr;

C. Moore, Cyfarwyddwr Gwasanaethau Corfforaethol;

J. Morgan, Cyfarwyddwr y Gwasanaethau Cymunedau;

G. Morgans, Cyfarwyddwr Gwasanaethau Addysg a Phlant;

R. Griffiths, Pennaeth Lle a Chynaliadwyedd;

L.R. Jones, Pennaeth Gweinyddiaeth a'r Gyfraith;

A. Williams, Pennaeth y Gwasanaethau Amgylcheddol a Gwastraff;

C. Higginson, Media Manager;

S. Rees, Cyfieithydd Ar Y Pryd;

L. Jenkins, Swyddog Cymorth y Cabinet;

M.S. Davies, Swyddog Gwasanaethau Democrataidd;

**Hefyd yn bresennol (Yn rhithwir):**

A. Williams, Pennaeth Y Gwasanaethau Integredig;

J. Owen, Swyddog Gwasanaethau Democrataidd.

**Siambr, Neuadd Y Sir, Caerfyrddin ac o bell: 10.00 yb - 10.35 yb**

**1. YMDDIHEURIADAU AM ABSENOLDEB**

Cafwyd ymddiheuriad am absenoldeb gan y Cyngorydd G. H. John.

**2. DATGANIADAU O FUDDIANNAU PERSONOL**

Ni ddatganwyd unrhyw fuddiannau personol.

**3. COFNODION - 3YDD HYDREF 2022**

**PENDERFYNWYD YN UNFRYDOL** Iofnodi bod cofnodion cyfarfod y Cabinet a gynhaliwyd ar 3 Hydref, 2022 yn gofnod cywir.

[SYLWER: O ran cofnod 4 - 'Cwestiynau â Rhybudd gan yr Aelodau' - eglurodd y Cyngorydd Ann Davies, Aelod Cabinet dros Faterion Gwledig a Pholisi Cynllunio, y byddai'r cofnodion yn ymwneud ag adroddiad terfynol y Panel Gorchwyl a Gorffen - Pobl Dduon, Asiaidd a Lleiafrifoedd Ethnig yn cael eu cyflwyno i'r Cyngor yn hytrach na'r adroddiad ei hun. Ychwanegodd fod y Cyngorydd Tina Higgins wedi cael gwybod am y mater.

**4. CWESTIYNAU Â RHYBUDD GAN YR AELODAU**

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

## **5. CWESTIYNAU A RHYBYDD GAN Y CYHOEDD**

Dywedodd y Cadeirydd nad oedd dim cwestiynau wedi dod i law gan y cyhoedd.

## **6. CYNLLUN CARBON SERO NET - ADRODDIAD CYNNYDDA**

Bu'r Cabinet yn ystyried adroddiad a oedd yn manylu ar gynnydd yr awdurdod tuag at ddod yn awdurdod lleol Carbon Sero Net erbyn 2030 yn unol â Cham Gweithredu NZC-28 o'r Cynllun Gweithredu Sero Net a gymeradwywyd gan y Cyngor ar 12 Chwefror 2020 [gweler cofnod 8.1] a oedd yn gofyn am adroddiadau perfformiad blynyddol. Nodwyd bod yr ail Adroddiad Cynnydd hwn yn ddogfen gymharol fanwl gan y byddai Cynllun Carbon Sero Net diwygiedig yn cael ei gyhoeddi erbyn 31 Mawrth 2023 a fyddai'n cynnwys canllawiau a datblygiadau diweddar sy'n ymwneud â Charbon Sero Net, ynghyd â'r Argyfwng Natur a gafodd ei ddatgan gan y Cyngor Sir ar 9 Chwefror 2022 (gweler cofnod 10.2).

Nodwyd bod y Pwyllgor Craffu Lle, Cynaliadwyedd a Newid Hinsawdd wedi cymeradwyo'r adroddiad yn ei gyfarfod ar 4 Hydref 2022.

### **PENDERFYNWYD YN UNFRYDOL**

#### **6.1 cymeradwyo Adroddiad Cynnydd y Cynllun Carbon Sero Net;**

#### **6.2 bod awdurdod yn cael ei roi i Swyddogion wneud addasiadau teipio neu ffeithiol yn ôl yr angen, i wella eglurder a chywirdeb Adroddiad Cynnydd y Cynllun Carbon Sero Net.**

## **7. ADRODDIAD BLYNYDDOL CYFARWYDDWR STATUDOL Y GWASANAETHAU CYMDEITHASOL 2021/22**

Bu'r Cabinet yn ystyried Adroddiad Blynyddol Cyfarwyddwr y Gwasanaethau Cymdeithasol ynghylch perfformiad y gwasanaethau gofal cymdeithasol yn y sir yn 2021/22. Roedd yr adroddiad yn rhoi trosolwg o'r perfformiad yn ystod 2021/22, ynghyd ag asesiad ynghylch darpariaeth yn y dyfodol a'r blaenoriaethau strategol ar gyfer 2022/23. Roedd yr adroddiad hefyd yn amlinellu heriau blwyddyn na welwyd ei thebyg o'r blaen oherwydd COVID-19 ac yn tynnu sylw at y meysydd hynny oedd i gael eu datblygu yn y flwyddyn gyfredol.

Roedd gofyniad statudol i Gyfarwyddwr y Gwasanaethau Cymdeithasol adrodd yn flynyddol wrth y Cyngor ar ddarparu gwasanaethau a pherfformiad yn ogystal â chynlluniau ar gyfer gwella'r ystod gyfan o wasanaethau cymdeithasol. Nodwyd bod y Pwyllgor Craffu - Iechyd a Gwasanaethau Cymdeithasol wedi cymeradwyo'r adroddiad yn ei gyfarfod ar 5 Hydref 2022.

Talwyd teyrnged unwaith eto i staff sy'n gweithio ar draws y gwasanaethau cymdeithasol ac iechyd yn ystod cyfnod a fu'n heriol.

**PENDERFYNWYD YN UNFRYDOL ARGYMELL I'R CYNGOR fod Adroddiad Blynyddol Cyfarwyddwr Statudol y Gwasanaethau Cymdeithasol ynghylch Perfformiad y Gwasanaethau Gofal Cymdeithasol yn Sir Gaerfyrddin 2021/22 yn cael ei gymeradwyo.**

## **8. CYMERADWYO STRATEGAETH DEMENTIA PARTNERIAETH GOFAL GORLLEWIN CYMRU**

Bu'r Cabinet yn ystyried Strategaeth Dementia Partneriaeth Gofal Gorllewin Cymru a luniwyd mewn partneriaeth â Chyngor Sir Caerfyrddin, Cyngor Ceredigion a Chyngor Sir Penfro, y Bwrdd Iechyd a phartneriaid yn y trydydd sector yn ogystal â phobl â dementia, eu gofalwyr, ac aelodau o'r teulu ledled Cymru.

Roedd y strategaeth yn cefnogi sawl amcan allweddol yn y Cynllun Corfforaethol, ac Amcan Llesiant y Cyngor i gefnogi pobl hŷn er mwyn iddynt heneiddio'n dda a chadw'u hurddas a'u hannibyniaeth wrth wneud hynny. Byddai cymeradwyo'r Strategaeth, a oedd hefyd wedi'i hystyried a'i chymeradwyo gan y Pwyllgor Craffu - Iechyd a Gwasanaethau Cymdeithasol yn ei gyfarfod ar 5 Hydref 2022, yn galluogi gwasanaethau i gael eu darparu yn unol ag anghenion y gymuned.

Gofynnwyd am gymeradwyaeth Cyngor Sir Caerfyrddin o'r strategaeth a oedd yn mynd drwy'r broses ddemocrataidd yng Ngheredigion a Sir Benfro ar yr un pryd. Roedd eisoes wedi cael ei chymeradwyo gan y Bwrdd Iechyd.

**PENDERFYNWYD YN UNFRYDOL ARGYMELL I'R CYNGOR fod Strategaeth Dementia Partneriaeth Gofal Gorllewin Cymru yn cael ei chymeradwyo.**

## **9. ASESIAID POBLOGAETH AC ADRODDIAD YNGHYLCH SEFYDLOGRWYDD Y FARCHNAD PARTNERIAETH GOFAL GORLLEWIN CYMRU**

Bu'r Cabinet yn ystyried adroddiad a oedd yn crynhoi'r dull a ddefnyddiwyd i lunio Aseiad Poblogaeth Partneriaeth Gofal Gorllewin Cymru a'r Adroddiad ynghylch Sefydlogrwydd y Farchnad Partneriaeth Gofal Gorllewin Cymru ac yn manylu ar y canfyddiadau allweddol a'r broses gyhoeddi er mwyn cydymffurfio â chanllawiau Llywodraeth Cymru.

Bu'n rhaid cyhoeddi Aseidiadau Poblogaeth unwaith ym mhob cylch etholiadol llywodraeth leol. Cafodd yr Aseiad Poblogaeth cyntaf ei lunio ym mis Mawrth 2017, ac roedd y manylion yn cael eu hadnewyddu yn ystod 2022. Roedd Llywodraeth Cymru wedi cyhoeddi cyngor atodol i Fyrddau Partneriaeth Rhanbarthol ynghylch llunio Aseidiadau Poblogaeth 2022 a oedd yn cynnwys yr angen i hefyd lunio Adroddiad ar wahân ynghylch Sefydlogrwydd y Farchnad.

Byddai'r ddwy ddogfen (a fyddai'n llywio Cynllun Ardal Gorllewin Cymru ac yn llywio amcanion comisiynu rhanbarthol a lleol) yn cael eu cyhoeddi gan Partneriaeth Gofal Gorllewin Cymru ar y porth data ar-lein ar gyfer y rhanbarth. Cartref - Partneriaeth Gofal Gorllewin Cymru ([www.cpdata.org.uk](http://www.cpdata.org.uk)).

**PENDERFYNWYD YN UNFRYDOL ARGYMELL I'R CYNGOR fod canfyddiadau'r adroddiadau llawn yn cael eu cefnogi ynghyd â'r dull a ddefnyddiwyd wrth eu cyhoeddi ar wefan y Cyngor.**

10. **NODI BOD Y GRWP LLAFUR WEDI ENWEBU'R CYNGHORWYR MICHAEL THOMAS A DOT JONES YN LLE'R CYNGHORWYR SHELLY GODFREY-COLES AC ANTHONY LEYSHON AR Y PANEL RHIANTA CORFFORAETHOL.**

**PENDERFYNWYD YN UNFRYDOL nodi bod y Grŵp Llafur wedi enwebu'r Cynghorydd Michael Thomas a'r Cynghorydd Dot Jones yn lle'r Cynghorydd Shelly Godfrey-Coles a'r Cynghorydd Anthony Leyshon ar y Panel Rhianta Corfforaethol.**

11. **UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYN YN UNOL AG ADRAN 100B(4)(B) O DDEDDF LLYWODRAETH LEOL, 1972.**  
Dywedodd y Cadeirydd nad oedd unrhyw eitemau eraill o fater brys.

\_\_\_\_\_  
**CHAIR**

\_\_\_\_\_  
**DATE**